

松
風
閣
詩
鈔

松風閣詩鈔

長洲 彭蘊章詠

卷五 花南集 古今體詩八十二首

幽州土風吟十八首 有序 辛卯

燕京古幽州之域攷日下舊聞所紀風俗多沿
遼金之舊僕僑寓城南三閱寒暑行吟衢巷流
覽土風爰仿謠諺之詞以紀歲華之麗因非一
代之俗故以古疆域冠之

咬春詞

羅蔔辛名咬春此是古人菜根意可愧一食萬錢人食

萬錢恣遊戲笙歌叢裏朝朝醉不到山村水邊寺九十
韶光睡夢中春人誰識春滋味

太平鼓

太平鼓聲夔夔白光如輪舞索童一童舞索一童唱一
童跳入光輪中廣場駢集四方客曼衍魚龍鬧元夕妮
女弄竿竿百尺驚鴻宛轉凌風翼今夜金吾鐵鎖開銅
街踏月人不歸

夜摸釘

春書刻青繪幟畫蟾蜍形畫蟾製起遠俗婦後來宜男
夜摸釘夜摸釘女子行走橋踏穿雙繡履入市看徧干

珠燈月斜星散珠燈落歸倚紅爐飲羊酪

五花帚

五花帚上市來家家粉糝白玉堆王瓜豆莢干錢貴椿
芽碧乳茶甌沸珠絡青驄笑買花花房雪裏蒸紅霞攜
歸金谷籠絳紗十二嬌女彈琵琶

燕九節

白雲觀中燕九節跳丸舞劍誇方術盡言是日真人來
或化冠纓或行乞冠纓行乞皆神仙著意求之無風緣
赤龍不救陶安治紛紛羽士青松下

禱碧霞

貼黃金禱碧霞繡龕羽帳仙人家篆煙五色爐中裊時
花一枝瓶裏斜碧幢十二玉童引鸞笙吹到靈祠近維
姬桃頰芙蓉粉翻身逐彈馬如雲兩彈空中并作塵

賣冰詞

銅盤磕磕玉有聲寒食街前始賣冰置君牀頭午夢清
牛家賀客凍且死銀壺登筵鼓翅起墨痕點點污窗紙
污窗紙塵尾揮冰寒不及重簾垂

浴佛日

佛本清淨身土木招埃塵塵污土木非污佛浴佛奔走
尋常人尋常人慕元妙不誦藥師經空詣藥王廟藥王

廟前桃李開折花一枝騎馬回

女兒節

女兒節女兒歸耍青去送青回毬場紛紛插楊柳去看
擊鞠牽裾走紅杏單衫花滿頭綵扇香囊不離手誰家
采艾裴絮衣女兒嬌癡知不知

看洗象

宣武城南塵十丈揮汗駢肩看洗象象奴騎象遊玉河
長鼻捲起千層波昂頭一飲一天雨兒童拍手笑且舞
笑且舞行蹇蹇日暮歸來洗貓犬

卜巧鍼

浮鉞水面視影百變如花如雲如樵如線七月七日卜
聰明皓腕疑脂搖玉釧曝衣樓頭笑語喧願乞雲錦裁
天孫天孫巧被燕姬乞採桑羅敷妒煞人

月宮符

月宮符畫成玉兔瑤臺居月宮餅製就銀蟾紫府影一
雙蟾兔滿人間悔煞嫦娥竊藥年奔入廣寒歸不得空
勞玉杵駐丹顏駐丹顏嗟兮儼癡兒紛紛還羨我阿姨
贈爾新葫蘆不須月下陳瓜果

賣餅人

菊花酒鹿舌醬九日登高阜阜帳幽州古俗重圍場雕

弓射獵西山上時平久覺猛虎馴馬上健兒多好文今
日登高遇佳節去尋市上賣饘人

花花曲

清明中元十月朔短轆轤車上塚哭紛紛陌上紙錢飛
豆泥骨朵沿風俗前朝此地尙火化近來比戶牛眠卜
牛眠卜兮馬鬣封銘旌五丈凌蒼穹猩紅一點風吹帽
孫曾還是花花孝

擊羯鼓

玉面童雙文鳥石彈丸隨轉側鐵圍皮羯鼓擊是時黃
昏東壁中家家墜戶爐火紅紅爐煮得兔羹熟替娘濯

衣女歸宿

射草狗

東草稗射草狗草狗爛祭羊酒圍場紛紛祈脫灾可惜
健兒好身手南山有貍北山有熊爾何不彎百石弓一
發長嘯生雄風牆邊草狗射何用玉勒珠鞭成一鬪

拽冰牀

拽冰牀城濠下疾如帆駛如馬朱軒繡轂黃塵中凌牀
十里生清風冷泠踏遍白玉宮白玉宮芒鞋路幾日東
風吹煙霧提壺挈榼公無渡

焚竈馬

焚寵馬送紫官辛甘臭辣君莫言但言小人塵生釜突
無煙上乞天公憐天公憐錫純嘏燔熊豢豹充庖厨黑
豆年年飼君馬

九陌

九陌穹廬夾路衢五營兵制重

皇都執鞭漢代歸司隸聚櫟周官屬野廬翠幕星羅防
市虎黑衣霜冷聽城烏宵行有禁稽難徧朝

闕千輪夜載塗

春暮遊尺五莊歸至花之寺和星齋韻

黃塵催白日出郭晷悠悠鳥語脆醒耳池光清洗眸楊

花撩客思魯酒沃春愁爲惜芳華晚重尋古寺幽

顧南雅侍講苑屬題令弟蕢洲文竹起圖二首

涼翠一天秋青鸞戲上頭二徵永嘉士千戶渭川侯聽
籟攜詩坐裁筇挾客遊何年文與可成竹萬竿留

人似白沙館詩如新浦齋蕭蕭聽不厭濯濯洗逾佳雅
尙歸盤谷家風憶拂崖顧野王有拂崖篠賦逍遙堂後水送雨念

同懷

杏樓屬題先世俠君先生小秀野圖

東絹重南金風霜久不侵林泉今日夢堂構百年心藝
苑留先澤詩壇振古音絲蘿共衣鉢人海話苔岑

先五世祖

侍講公與俠君先生
本師生而申以婚姻

消夏雜詠八首

梧院

閒房消夏地百尺老梧桐
金井綠陰裏碧天紅
日中捲簾當晚霽
敲枕待清風
北牖涼尤早
蕭蕭竹一叢

竹窗

此君無俗韻繞屋景清幽
淡影飾新月涼聲送早秋
鄰翁隨意看佳士幾回留
个个琅玕字誰將筆底收

涼棚

避暑無深屋空庭結構便
紅塵吹不到綠樹隔猶憐
日

度上清景雲低下界天廣寒容暫住隱几小遊仙

冰箭

滴滴波成瀼我雪作堆漸看金掌滿可惜玉山頽紫
李沈無數青蠅卻幾回瓊宮藏寶甕何日爲君開

羽扇

青鸞仙去後鍛羽到微禽懷袖憐新寵雲霄負夙心清
風思翮健皎色畏塵侵欲問何年製遲徊梁父吟

麈尾

笑指青絲幔人來話六朝珠塵揮不盡蕉夢漫相撩窈
渺二宗說談諧九錫邀惟應支遁輩竹杖共逍遙

椒囊

何人投雜佩輕穀裏丹椒豎客香魂返書生腐氣消漫
拋金縷贈恐賸紫羅燒叩叩憑君致繁欽不復聊

藤枕

鹿角溪藤枕花陰逐簟移空牀涼意到客夢早秋知翡
翠情何豔珊瑚贈亦癡十洲三島事吾欲問龜茲

送星齋南歸應省試

蕭齋讀書復敲詩別緒無端落酒卮春色挂君千里夢
秋光引我十年思人從水驛兼山驛花發南枝更北枝
令弟絨庭
應京兆試歸及洞庭盧橘熟故鄉風味幾人知

金石雜詠三十五首

扶風盤屋草萋萋列敦周宮耀古春已信竹書毛叔鄭
舟姜龔伯更何人

維鼎長安字亦奇萬年屢壽古文詞如何十四堪書月
原父君謨總不知

崑玉瀛珠入網羅韓城點畫古文多知書賴有楊南仲
賈許千秋歎逝波

尙書好事剔苔斑戡壁空嗟趙將頑八駿浮雲遊四極
卻留馬蹬贊皇山

王朴編鐘製不員太常奉詔考官懸寶祿一出人知貴

夷則清聲嘉祐傳

奕奕藍田張仲銘篆文兩度炳丹青當時紫氣函關滿
鵝首文昌見六星

帝典皇墳付劫灰金權還費勒銘才咸陽宮裏程書急
不是巡方角正來

瑯琊臺迴接之冢白帝東巡海若愁千載臣斯六刻石
可鱗片木出登州

林華鏗共博山鑪谷口還遺赤水珠雁足有銘時代古
黃龍五鳳盡西都

郡吏逢仙跪進瓜金丹塗屋度全家如何齧被關心甚

萬里歸來一鼠孳

生徒百入勒題名講學文翁去錦城一炬華陽傳地志
空留石室記初平

填麩殘碑記博聞殺阮蓄洩補遺文東臺西戍餘香火
同恨千秋冥漠君

女冠江夏道家風白髮蕭蕭至德宮
眼看瓊華銷歇盡
三千殿腳散飛蓬

朱費碧瓦眾香國虎鬪龍爭古戰場
還是楊裘公子度
六朝結習未全忘

常消開元孝女傳又看尹氏闕文鐫
旌閭不待清平世

萬歲通天第二年

石浮圖下墜天花詫絕人名喚野叉不有河清年號紀
渾疑碑在梵王家

流杯亭裏宴羣臣侍從新詩間八珍一代文章歸女主
可憐殷李並傳人

上清弟子乘雲去南嶽真人受籙來留得華陽明詔在
投龍文豈愧仙才

璇閨仙偶豔房璘繡罷鴛鴦筆有神龕壁數行彌勒頌
簪花格擬衛夫人

顏公風節道能迂乞米曾呼李大丈夫模本流傳千祿字

千秋衣被到寒儒

窪樽銘屬次山詞令問工書亦好奇更有華陽巖勒字
求名卻被後人嗤

武昌江島散花灘灘上怡亭石刻殘庶子泉空成古井
陽水手蹟竟誰看

道士來鑄碧落碑閉門三夕不知飢一雙白鶴窗中出
石上螺書到眼奇

仙姑織面死衡山零落當時兩翠鬟誤讀黃庭經一卷
未堪遊戲任人寰

龍公體溼返雲霄說與夫人膽欲銷明共騎牛爭勝負

可令九子射青綃

一柱居然免劫灰
倒書題字亦奇哉
謝仙夫婦雙雙玉
雷部中間掌火來

何年瘞鶴到名山
石鼎丹成去不還
未識華陽真逸者
江聲終古自潺潺

礪溪廟記出高駢
脫臂雕弓筆似椽
不信將軍騎木鶴
凌虛縹緲習神仙

白樓刻賦啓雕甍
語簡果然是性成
入寺飯僧僧判了
跪聽兩字佛知聲

自傳平生語
率真茶經一卷出
風塵清饒竟作千秋備

唐突壚邊藝偶人

欲知阮客身何在試看仙雲洞口橫此是縉雲高隱士
千秋書姓不書名

小篆昇元少見聞紫陽石磬爛星雲後來衣鉢何人付
南岳師傳千字文

石室嵩山絕頂開西京遊蹟記歐梅莫教妄語龍神怒
吏部晴空聽疾雷

金裝玉軸剔唐陵質蹟人間費剡藤畧識蘭亭真面目
歐陽傳本殿中丞

五代干戈浪得名二徐篆法少縱橫陽水而後推能事

惟有陰符出郭生

寄慰仲山

盼到傳經亦偶然
袞師嬌小竟無緣
春風卜宅支公嶺
秋水移家范子船
須向耕桑尋故業
未堪哀樂逼中年
而今收拾西河淚
投杖曾聞悔古賢

竹聲

青鸞昨夜下瑤京
風送悠悠拂羽聲
秦女有名宜弄玉
王喬無恙試吹笙
裁來嶰谷音難合
訴到湘江恨未平
佳士若逢文與可
聽君石上話三生

題畫五色菊花

腕底霜枝綴曉霞
朱朱碧碧儘繁華
感君收拾三春色
并作東籬隱逸花

到家哭亡婦徐孺人四首

落日寒江小艇呼

余由許墅呼小舟到家

入門慘淡訝今吾
歸鴻

遠道憐孤影
乳燕空巢泣
眾雛總帳燈
懸秋寂
厯鏡臺
塵掩月
模糊憑棺一慟
知何益
曾記當年勸駕無

憶從簫史鳳凰臺
弄玉仙姿亦可哀
丹竈紫煙吹不起
雲駟青鳥誤相猜
榴因結寶花
難久桑爲成絲
葉漸摧
一夢蓉城驚乍醒
廿年陳迹付寒灰

浴蘭佳節與君辭

余以戊子巳入都

獨客關山繫夢思
已向藥

鑪尋活計更題錦字寄天涯仙人導引三秋別神女梳
妝九日期未若蜀臺身化石哺糜望斷古今悲

落葉添薪樹樹空更攜刀尺對秋風早憂向子難償願

未是韓公那送窮弟肯燎鬚宜有望

孺人弟徐重侯大令調選入都爲留

數月親調湯藥

女能刲股竟無功

上年病劇女月高刲股入藥而愈

出門已作

千秋別環佩聲來入夢中

杜拙齋

厚

示述懷詩賦贈

昔訝高常侍五十始學詩讀君述懷作聊用析我疑交
君逾十載與君討古碑李潮工八分不學王羲之坐中
譚文字嘽嘽謝不知不圖五言句久奉淵明師非君自

韜晦胡爲至今茲吾儕不讀書亦不免凍飢吟詠特小
技五十君未遲

贈江鐵君明經

沅

先人文字交里中一漚翁吾曾及祖輩了了心目中談
藝兼話舊更僕無倦容小子生已晚傾耳聞遺風漚翁
今已去猶喜有鐵君升堂而入室遊乎二林門同時執

經彥碩果嗟僅存遺文搜測海

測海集二林公著

猶賴考證編

決疑歸一乘微茫溯心源

一乘決疑論二林公著明三教同源之旨

小子墮

塵劫末由聞妙詮觀君躬儒行誠樸操彌堅及探知聞
略所識皆前言矻矻蛾勤術飄飄鶴謝樊老矣竟無遇

固窮理則然士生愧不學識學忘歲年終身樂其樂爲
己功夫全瑟希志風浴母乃儒門禪邈哉古狂狷吾子
其庶焉

尔自京假歸計別問梅詩社三年餘矣仲冬月望
棣華先生設尊池上草堂爲詩社百十八集

問梅幾度負花期重喜今朝倚墨池千里歸人雲共岫

三冬故事雪翻匙耆年凋謝嗟臣叔

叔父葦間公先
於六月逝世先

輩文章盡我師京洛緇衣塵乍洗且呵凍硯草新詩

卜葬亡婦於虎邱之長涇橋

撫棺已是過祥期虞殯初從葑水湄海湧雪深翻土鋪

白楊風急捲靈旗銘成石闕吾猶待典盡金釵君豈知
腸斷荒原相送處魚軒鶴蓋似來時

寒風栗烈伐冰堅

舟行阻凍

似爾清溪歸棹年

孺人於癸未冬自母家回

阻凍吳江乘肩輿歸家

卅里肩輿來水次一家把盞話燈前於今

埋骨青山畔何處招魂落日邊同穴千秋誰復望生前
萬事付雲煙

待雪

雨淫行雲凍不飛白垂絲腳認依稀瓦爐香熟頻溫酒
茅屋燈寒靜掩扉柳絮飛遲三起倦梅花留欠一分肥
望君望歲心相似鶴擎空山未擬歸

踏雪

庭樹今朝開玉顏相將乘興出柴關芒鞋不著些子土
竹杖先登何處山便是陽春無脚到早知荒徑有人還
騎驢忙煞尋梅客說與詩人亦等閒

爲徐重侯並題五老燕集圖有序

五老者含山王檢討勳輝年九十三臨汾王待

詔孫武年八十七桃源薛徵君廣年八十五安

東程司馬易年七十五德清徐太令振甲年七

十四以嘉慶壬戌春仿宋耆英故事脩禊於淮

安城北之荻莊漕使長白鐵公保作詩紀其事

云扶鳩矍鑠足精神醉舞歡場氣絕倫若合五
人論甲子計年應是宋元人耆英佳會豈尋常
海上誰傳卻老方笑我春秋過五十對君才入
少年場鐵公本善書遂書其詞刻石行於世今
閱三十年矣道光辛卯徐公子竝倩畫家補圖
而以鐵公墨蹟冠其首屬題

淮水東南趨駛流平竹箭郭北地本偏五老開文讌二

王異地才程薛此邦彥徐君舊令尹前任淮安府清河令序齒當

居殿勒石紀以詩漕使書名擅壬戌迄今茲卅年驚物
換古蹤不可追楮墨煙雲散令尹有佳兒述作存文翰

補茲燕集圖仍以鐵詩冠鄭笏重家傳披圖孝思見勉

追循吏聲君今領山縣

重侯任安
徽影令

受業蔣彬蔚校字

松風閣詩鈔

長洲 彭蘊章詠

卷六 花南集 古今體詩七十一首

題魏讓泉翁瘞塚文

有序 王辰

讓泉爲魏荇汀大令

文瀛

尊人嘗於廢園中掘

得古塚泥色如墨似骸骨所化遂掩之夜夢絳

衣人來謝感其靈異因書所作瘞塚文徵詠

萬物各有盡石槲聖所譏千載犁爲田死者亦奚悲徒
以人事鬼封植固其宜衣冠來夢中豈云神所爲卽此
不忍心恍惚如見之榮悴理前定是非心獨知讀君瘞

塚文令我起長思

題魏孝女綠筠傳後

有序

綠筠者魏苻汀大令之妹也兄病禱於神願以身代未幾病卒年甫十七苻汀哀之爲作傳徵詩余以爲女之死未必因乎禱而其志可表也爰書數語於後

求死曷稱孝代兄情可哀女命會當盡豈與兄轉移獨此一念間人倫實扶持懷哉鶴原義表揚理則宜女死終不死千秋令問垂

題泖東西林寺寄亭上人所藏楊甫師書卷

先生昔年官泐東禿毫滿楹詩滿筒重遊作圖方蓮社

一時唱答稱同工東林雅集西林繼遠公而後有寄公

先生作泐東蓮社圖上人在列卷中卽書先生所作圖記并詩及佛門語數則上人先後集成寄公逃

禪耽翰墨先生琅篇徵象龍大書沈雄卧虎子小者綽

約翔驚鴻藏諸名山足千古紗籠寶襲如球共揭來徵

詩亦到我謂會執卷陪春風三年望斷遼東鶴先生丁丑十二

月下對此遺墨心忡忡吾儕抵死講文藝藝成人去煙

雲空還君此卷三歎息眼中誰似漚波翁先生晚年自號

題梁茵林方伯章鉅目送歸鴻圖辛卯秋淮安水災流民渡江者

公捐俸贍之明春送歸因作此圖

閩閩城頭春風來春人鼓腹登蘇臺烏篷銜尾歸何處
淮海流民渡江去去時回首憶來時洪濤十丈傾金隄
自憐倉猝辭鄉井其死其生那得知民兮何幸適茲土
得遇神君更慈父分俸先輸月萬錢儲糧遍給人三鬴
朔風捲地衣裳單此時流民共苦寒袴襦重拜仁人賜
更覺挾纊心同歡飢寒悉力籌相濟野寺閉門歌卒歲
應識分憂共患心此邦亦復嗟薪桂樂園徘徊冬復春
故鄉水落草痕新室廬漂泊田疇在莫作江南游惰民
提筐彳亍心猶戀全家骨肉還鄉縣不知誰賜再生年
長樂梁公今侯甸侯甸宣大澤敷扁舟淞泖舊成圖

自今樂歲無荒政但訂農田水利書

飼鴿

馴鴿慣依人階前覓食頻稻梁會不惜飲啄喜能均已
共鳩巢穩何嫌鶴俸貧波斯書可寄千里度迷津

放雀

惜此羅中雀攜來放入林碎聲騰一沸樂意許重尋鍛
鶴看猶羨枯魚泣不禁弋人何所慕刷羽傍高岑

石佛洞

萬仞陰崖試一登崖根古洞夏含冰自然凹凸三茅勢
豈有莊嚴七寶增雨過雲煙生石鼎夜來星月作龕燈

蒼苔不蝕須彌座還向蒲團問老僧

支硎訪友

指點幽居一水遙垂楊踈地影蕭蕭行人莫笑看山客
側帽春風度雁橋

過韋君繡

光祿

在山草堂

何山佳處草堂開

草堂在城西何山之麓

樵隱於今有逸才佐酒

盤殮收雜果避人門徑長新苔祇應獨鶴爲儔侶未許
閑雲識去來我欲攝衣從子逝春蘿秋桂漫相猜

春帆先生招集花步劉氏寒碧山莊

城市居然有洞天探幽士女袂相連似因結習就邱壑

豈爲移情屬管絃異石奇花終有價清風明月不須錢
兩三吟客論詩罷斜日金闈起暮煙

沈春江大令

洽

屬題令祖友陶先生畫龍冊

神龍宛轉溼雲生似挾豐隆出地聲窺牖不嫌真氣逼
藏溪多恐夜濤驚舟中雷煥初舒劍壁上僧繇乍點睛
分得片鱗南楚去會看霖雨及時行

春江將赴湖
南華容令任

題張君度仿普明禪師牧牛圖

著力馴調溯最初禪機雙泯入空虛笑他扣角南山矸
一點名心總未除

里閉頻逢饑饉年道旁菜色儘堪憐何能化作千頭健

付與農家墾廢田

四月望後一日邀桂船竹堂棣花春帆諸先生集

葑溪網師園爲詩社百二十三集

彈指韶光五載間人如隻雁倦飛還

余自戊子三月入都迄今五載

南二月多風雨孤負寒香鄧尉山

今春風雨居多未曾入山採梅

草長鶯飛瞥眼過閒中歲月坐消磨一樽婪尾風光在

莫惜三春付逝波

感逝同聲起永歎未堪重話舊吟壇

諸先生作均追念先叔父階前

紅藥都消瘦不爲春陰特地寒

白髮經師鬪酒兵林泉樂事傲公卿閒雲無力不飛去

且傍先生杖履行

桂舫先生屬題埽地焚香圖

圖爲悼亡姬作

飛飛花片貼苔斑
裊裊爐煙傍翠鬟
不似素蠻嬌態劇
漫將歌舞攪香山

一自瑤英返十洲
每聞孤鶴不勝愁

先生有孤鶴詩

么絃中斷

傷心甚秦掾能無悔
宦遊

去冬余始歸里距室人歿已一年矣

滄浪亭圖爲顧湘舟題

突兀空亭倚水濱
荒涼誰與翦荆榛
紅橋綠柳新陰合
寫出蘇臺一點春

梓里儀型奉辦香菟羅遺蹟
賴長康試看龕壁名賢像

難得千秋共一堂

壁間勒吳中先賢五百人像

送梁蔭林方伯乞假回里

激揚心事少人知，千載名流入夢思。
已勒畫圖子美宅，燕子更留香火伯鸞祠。
清嘉風土宛如昨，美芟歌謠今在斯。
歸到故園秋色近，鼇峰頂上好題詩。

蘇城夏旱林少穆中丞

則徐

步行禱雨奉柬

火繖當空爍稻田，使君禱雨步行先。
披衣五夜愁無寐，懸磬千家望有年。
平糶原爲荒政首，近郊不礙受恩偏。
何人議發常平粟，欲召甘霖理或然。

得謝安山先生

希曾

自書題畫作和陶飲酒詩卽

持贈喆嗣吧望茂才

駉

持杯欲飲意茫然斗酒何能繼謫仙

先生平生不善飲酒

題畫偶

逢書舊句和陶猶喜賸零篇下秋郡志垂文苑一卷義

經企古賢

先生著易學指南名載郡志文苑傳

今日烏衣門巷裏彬彬絃

誦慰重泉

琢堂桂舫兩先生同時重遊泮宮賦呈

滿城桃李鬪清妍瞥眼韶華六十年白社千篇新事業
青衫一領舊因緣秋風家巷添春色斜日園池起瑞煙
各有平泉嘉植在孫枝早傍五雲邊

八月望後將之都門同社諸先生設樽池上草堂

餞別以小欄花韻午晴初七字分韻得午字

行行望關山惻惻慕儔侶故人知我心勸我酌清醕念
洗緇衣塵吟壇迭賓主交誼篤荀陳詩國開秦楚坐今
侘僚人伊鬱胸中吐羲娥疾轉輪忽忽徂寒暑又聽驪
歌聲停歌重延伫丈夫生四十如日正當午胡爲久蹉
跎得無誚懷土飛鳥思舊林游魚戀故渚何況勞人心
儲糧就行旅竟冀苦年饑江淮漲秋雨旣恐芻秣艱更
慮方舟阻且共竹林賢閑訪謝公墅吹帽撰佳辰登高

醉言舞

余訂諸先生復
爲重九之會

棣華先生復舉詩社招同諸先生以佩聲歸到鳳

池頭七字分韻贈行謹用末韻成七言一首志別

涼風獵獵動高秋催送移家范子舟此去故鄉期契闊

更倍諸老話淹留花間聽雨吟情劇先期琢堂師招集花間草堂賦喜雨

詩池上開樽暑氣收是日集棣華先生池上草堂正擬新詩敲馬背

先傳吉語屬龍頭諸先生作均寓期望之意江干木葉迷前路陌上

槐花感舊遊未卜薦文稱似馬慣聞下第惜如劉三年

清夢依雙闕幾輩飛仙戲十洲漫耀羽儀隨振鷺難馴

野性是閒鷗竈鼉窟外歸帆急鴻雁聲中仰屋愁去秋假歸

適淮湖水漲江南水災年穀不登卒歲光陰何短短中年哀樂竟悠悠

燕棲故壘飛猶戀蟬入寒林噪不休春至名園看鄭躅

公武別集卷之二

有月言金卷之六
雲深水郭聽鈞，朝宦情未共金鑪冷。別緒應同玉蘭抽，畢竟窮通歸定數。敢將清白負前修，南山桂發辭臣里。北極星明望。

帝州回首耆英佳，宴處好從輦下說風流。

秋夜送徐師竹大令

琢之官粵西

秋風撥雲天沈寥，星河爛爛懸清霄。飛鴻影斷蛩聲急，送客乘槎桂水遙。桂水盈盈七千路，江流不到羣山驚。憐君墨綬衝蠻煙，終勝白袍粘飛絮。憶從挾策走長安，擬向蓬萊作散仙。覽鏡忽驚蒼鬢改，著鞭敢薄折腰官。儒生伏牖書充棟，盡言才大難爲用。一朝梁父輟悲吟。

幾人不愧青錢俸君昔居鄉拯歲饑傾囊曾給萬家炊
分憂桑梓心猶爾保障身膺事可知粵西風物窮遐僻
嚮義不憂土瘠瘠灘江風暖鬱金香雪洞春融荔枝白
殊方衣食各因天何必桑麻更稻田泥古不登循吏傳
治繁常誦牧民篇青囊家學桐君得盃餌逢人究息脈
持此盧扁濟物心播作龔黃救時績政成他日賦歸來
松菊園林薙草萊鄧尉梅花留索句天平楓葉待銜杯
茫茫人海存知己歷歷平生堪屈指萬事君當笑置之
十年吾亦成翁矣葡萄且酌送君行古驛寒蟬唱別聲
更脫征鞍移雀舫大江南北看山青

重九日邀詩社諸先生虎阜登高

去鄉豈合說蹉跎喜及登高一放歌
綠樹未凋秋不覺黃花初對意如何
拂衣巖岫寒雲重極目江湖逝雁多
幾日征帆渡揚子金山有約待攀蘿

舟中卽景二首

潮落恰宜艇小人稀不礙橋
敲衝煙白鷺拳立浴水烏
健背移

汀蘆倒影迎棹水菱殘香襲衣
雲戴山頭絮帽風裁雨
腳絲機

舟過金山風急不得登寺僧真性送中泠泉水

夙慕中冷水何緣滄茗嘗山僧真好事箬艇遠相將至
味原無味心香豈有香片帆風浪急未許叩禪房

由焦山遇順風渡揚子

焦山蒼蒼竹木深參差樓閣山之岑俯瞰長江亘千里
征帆片片東風起我來焦山不得登乘潮直向瓜步行
忽看浮玉出篷背炊飯晨過邵伯埭

自瓦窰鋪挂帆入邵伯湖至高郵夜泊

邗溝連甃社泚泚水雲鄉巨浪浮千頃全家托一航白
鷗翔海國紅樹識漁莊薄暮西風緊抽帆趁夕陽

東阿懷古

大君制一國賞罰固其端孰是塞黠纒而能圖治安表
海俗誇詐鏡機良獨難威王端近習迷惑爲多盤東阿
小邑吏懵然大戾干達聰貴遠佞持猛聊濟寬不惜一
大夫坐令正百官

唐山旅次

山石犖确車輪摧下車徒步足力微上山下山入山谷
斜陽蒼蒼挂山角山迴路轉見人家門前大樹柶昏鴉
閩重九日吳紅生舍人葆晉招集同人出所藏陳
未齋太史乾隆丙子閩重九楚北山亭晚眺贈其
令祖湛山先生詩徵和時余尙在途未獲同吟抵

京後補作次韻

百年九日重逢閨難得今人似昔閒爲愛菊花宜晚節
慣攜佳客看秋山結廬綠水蒼葭外索句碧雲紅樹間
未齋太史原唱有縹緲江帆紅樹外岩巒仙閣碧雲間之句應識籠紗珍惜意幽懷
世澤兩相關

宋西樵丈

簡

見貽所作篆書同時獲見丈所摹趙

松雪白描麻姑仙像因題奉寄

昨得先生小篆書星斗錯落光芒舒今見先生白描畫
娉婷仙子雲中居何因書畫兩奇絕夢裏曾傳五色筆
世人作篆如白描寸量分度難爲豪先生白描如作篆

細筋入骨跟肘辨拈毫雅俗如雲泥此畫高古非時蹊
魯公千秋磊落人淋漓大筆壇記垂羣仙紛紛不足數
抗衡一讚偷桃兒古來畫史少傳作子昂才妙猶能爲
子昂亦兼工篆法白描故似沙畫錐先生筆力透紙背
直以畫續顏書奇相逢昔歲緇塵客春風攜琴萊子國
昔歲晤丈於京師時
方銓萊州府高密令
劬勞撫字訟庭空始得餘閒親翰
墨知君非畫麻姑顏知君非畫麻姑鬢但畫麻姑長手
爪萬人痛癢心相關

都門寓齋庭前有樹人言是黃梅也姚雪逸
衛
見
之審知爲桃絨庭乞黃梅余無以應作此卻東

盡道瞿曇有約來，誰知小謫絳仙才。
含顰留待東君看，孤負瑤絨一度開。

大雪曹艮甫比部

林堅

招飲爲消寒第四集

卧聞朔風吹四壁，起視寒月挂簾額。
連番釀雪不成點，鞭龍鑿戰天公力。
是時嘉平月幾望，壓檐大雪深一尺。
早知四野已均霑，京兆連章慶膏澤。

祕殿虔祈慰

九重方書占驗符，三白今年畿輔蝗爲災。
幸值秋田已登麥，共憂遺孽春復萌。
豫事搜除費籌策，今看六出飛春前。
不殊烈火驅蝨賊，吾儕雖糜太倉粟。
瞻雲望歲情

同劇呼朋燒燭開清樽不醉無歸永今夕

出郭

癸巳

出郭方知眼界寬郊原春色壓餘寒不教桃李輸松柏
吹到東風一樣看

郊行聞鑿石聲憶堯峰先壘

春郊喜趁馬蹄慵鑿石聲聲和晚春著箇閒人來叱犢
眼中山色便堯峰

京師長元吳會館爲先會祖尙書芝庭公創建自
乾隆庚辰至今道光癸巳已閱七十三年矣仲春
三月芝軒冢宰暨同郡諸君供奉文昌神位於館

中附設先尚書公神位以志不忘敬成一律志感

館闢上章歲迢迢七十年人懷渠夏蔭祀比繡絲虔玉

局盟仙侶金泥榜後賢

并縣王辰科吳君鍾駿狀元馬君學易會元曹君琳堅嚴君良

訓進士

題名扁苔岑敦古誼靈爽合流連

撰辰逢吉日鳴珮講筵來

氣宰自講筵歸主爵

執爵春光動戴筐

雲色開楷模尊古哲陶鑄領羣才俎豆名山外年年醉

綠醅

先尚書祀吳郡鄉賢祠

花市

灌溉辛勤不自看攜來市上錦成團名花晚景售還賤
春色貧家貯亦難留得風光四時共任教霜信十分寒

傲他金谷珊瑚樹只是無香空有觀

木廠

榎栲栳柏九州來大廈無難次第開繩墨一朝歸匠氏
棟梁從此少奇才斷成春杵心猶直曲作車輪骨欲摧
聞說廣渠神木朽馬湖當日走風雷

劇場

羣仙玉佩戲塵寰錦繡堆中破笑顏到此賢奸如照鏡
幾人哀樂不循環共來歌舞銷魂地虛擲光陰彈指間
眼底繁華誰悟徹蓬蒿有客卧空山

酒樓

高樓飛旆柳花香有客雕章七寶裝
釀酒那如沽酒便
醉人翻覺醒人狂半簾紅雨迷春影
一桁青山墮夕陽
紫綺仙才今不見玉壺齊唱羽林郎

檢書

舟車南北慣隨身破篋傾餘更積塵
學樸未堪華士賞
官閒得與古人親
劇憐舊帙飄零盡
猶望殘編領悟新
幾卷丹黃留世澤
牙籤羅列比家珍

雁孤飛

哀親迎之禮廢
夫婦之道苦也

甲午

孤飛雲中雁鳴聲一何哀
峩峩玉顏女
迢迢爲鬼妻
解
今夕何夕兮明星爛
入空房兮不見生郎面
郎死視含

殮

二解

吳山高高以平江水深深以漸山高水深不及人

心險

三解

父母兮生我長姑兮育我他人兮毒我行路兮

哭我寄書與我父兒命當窮兮父無苦

四解

乃知親迎之

禮行非惟謹夫婦亦以明死生雁孤飛天冥冥三日三

夜不見日星

五解

春日靜明園偶直

春山雨後住飛瀑散懸崖曉色開

雲罕清音夏玉階

宸遊臨勝地仙境拓詩懷歸路鞭聲緩輕塵淨六街

春日七峰別墅

半年別墅瀟然心詩襟被重來節候移隔岸風光催柳色
空庭日影上槐枝難除幻想三春夢未化矜心一局棋
賴有清吟消永晝惜陰應共古人期

廢寺

古廟無人門自開山僧沽酒出山來同龕彌勒不知飲
怪底佛鞵生綠苔

斷鈴殘桷鎮相連花木禪房別有天階下一叢天竹子
未經霜信已封棉

扇子湖晚眺

天光雲影鏡中明徙倚湖邊眺晚晴著箇烏篷應更好

便攜吟侶掠波行

萬壽山邊一塔孤團團雲樹望模糊夕陽明處湖光接
好寫溪山煙靄圖

栽菊

小院行吟退直餘手栽野菊雜園蔬根依霜砌骨逾傲
影落晴窗畫不如人與花光共清絕詩緣秋氣益蕭疏
何時歸到柴桑徑斜日東籬自荷鋤

元夕淀園退直玩月

乙未

無復魚龍戲

上年有

旨停

冰輪傍玉岑觀燈嘉客宴

是日真
外藩 卻貢

聖人心兩岸樓臺迴三山煙靄深

香山玉泉山萬壽山今名爲三山

宮連咫尺豈有軟紅侵

乙未三月應禮部試畢扈

蹕南苑

鎖院春風角藝還簪毫更逐侍臣班
南宮七發皆虛擲不及中黃玉弮

余應闈已入度

觀榜

觀榜於今十七年成名縱晚亦欣然
同袍寥落餘顏宋

袞袞諸公早著鞭

顏君子錦宋君子昌皆余江南同榜今復同登

漫言得失了無關千里風塵幾往還
可惜華詞刊落盡

未堪珥筆待蓬山

輓座師少宰張小軒先生

麟

鬢桐爲世棄拂拭感公知一面緣何吝

歸於出關日逝世不及謁見

終身慕亦宜題名看蕊榜執贄莫靈帷惆悵音容隔悠

悠託夢思

輓相國曹文正公二首

久處論思席謨猷有本原博聞羅學海令德繼清門書
比秀才熟心忘元老尊不言温室樹密勿道常存

賜諡崇文正我

朝有幾人凌煙帷策重

平定回疆勦擒逆裔公繪像

紫光閣

捧日寶箴

陳一德聯堂陞千秋視友賓
公蒙 御書一德資良
年神更炯玉局定歸真
鼎單心輔治樞楹聯

題尤范軒 錫齡 梅鶴雙清圖四首

夢到孤山處士家風廊月檻路橫斜
仙禽解作躡躑舞琪樹能開頃刻花
引得清聲終有和探來春色總無涯
披圖人在冰壺裏欲向紅塵障碧紗

一自鴛湖作寓公故園香雪怨東風
范軒後移居嘉興 郁元壘

畔思橫笛支遁峰頭憶放籠祇爲燒丹求作令不妨采

藥暫稱翁翁隔垣聊試神仙術揮手成功一笑中
范軒精醫術

草綠南園鶯亂啼燕臺回首感淒迷阿儂舊宅鄰梅里

名士書堂榜鶴栖

鶴栖堂爲君先世西堂先生故第

五世絲蘿甥似舅

百年縞紵阮攀嵇傳家自有青箱在肩向人前未肯低

榮澤銷沈吏隱才

尊甫諱庭先生仕榮澤主簿卒於官

蹉跎歸計亦堪哀

鷗鵬有翼憐程遠松菊無苗待徑開此境清宜歌白鷺

幾人廉比啄蒼苔說經尙有遺編在想見康成入座來

諱庭先生撰述甚富今範

軒刊行禹貢示掌一書

扇子湖觀荷有感

淀園地擅湖山勝扇湖激濺開明鏡隄邊楊柳籠千絲
水面芙蓉搖萬柄湖濱襍被幾星霜對花酌酒呼朋忙
喜見田田初貼水旋驚翠蓋如雲張秋風忽來吹敗葉

嬌紅無復淩波妝玉泉山上月初吐但見雲水空蒼茫
花開花落今幾度人與荷花共新故安得兩鬢不成絲
愁思迷離挂煙樹

寒夜聞鐘聲

霜華如水月如煙何處清鐘一杵傳人與孤燈消永夜
夢隨征雁度遙天吳山古寺寒江外禁苑秋衾落葉前
鄰笛參差更相和終宵敲枕不成眠

消寒第二集喜董琴涵觀察國華自滇南至

南來雁足報經年短巷花驄入暮煙賞雨昔陪林下客
琴涵與余同在問梅詩社同坐頻年嘗以花朝泛舟山塘賞雨

宦轍思天末
一夕鄉音到酒邊
萬里相逢容易別
殷勤後會緩歸鞭

受業蔣彬蔚校字